

Skeljungur:

Ársuppgjör 2018

- Besta rekstrarár Skeljungs frá upphafi



Helstu lykiltölur og niðurstöður

- Hagnaður á hvern hlut var 0,76 og hækkaði um 40% milli ára.
- Framlegð ársins nam 7.809 m.kr. og hækkaði um 8,7% frá fyrra ári. Framlegð fjórðungsins nam 1.844 m.kr. og hækkaði um 14,3% milli ára.
- EBITDA ársins nam 3.261 m.kr. og hækkaði um 24,6% milli ára. EBITDA í fjórðungnum nam 360 m.kr. og jókst um 38,1% frá sama tímabili í fyrra.
- Einskiptis rekstrarhagnaður nam 103 m.kr. á árinu.
- EBITDA framlegð ársins 2018 var 41,8% en 36,4% árinu áður.
- Hagnaður ársins 2018 nam 1.573 m.kr. og hækkaði um 37,6% frá fyrra ári.
- Arðsemi eigin fjár var 19,0% samanborið við 15,0% á árinu 2017.
- Eigið fé þann 31.12. nam 9.004 m.kr. og eiginfjárhlutfall var 36,4% í árslok

Besta rekstrarár Skeljungs frá upphafi

Stjórn og forstjóri Skeljungs samþykktu í dag ársreikning samstæðunnar vegna ársins 2018. EBITDA ársins nam 3.261 m.kr. og hefur aldrei verið hærra. Það sama á við um framlegð félagsins og hagnað, sem hækkaði um 37,6% frá árinu 2017. Arðsemi eigin fjár var 19%, samanborið við 15% á árinu 2017, og í árslok var eiginfjárhlutfall Skeljungs 36,4%. Góð afkoma byggist fyrst og fremst á sterkum kjarnaesktri, bæði á Íslandi og í Færeyjum. Stjórnendur telja að skipulags- og rekstrarbreytingar sem ráðist var í haustið 2017 og fylgt eftir 2018 hafi skilað tilætluðum árangri. Reksturinn sé nú söludrifnari, skilvirkari og hagkvæmari.

Samkvæmt samþykktri arðgreiðslustefnu félagsins er stefnt að því að greiða árlega til hluthafa 30-50% af hagnaði í formi arðgreiðslu eða endurkaupa á hlutum. Á fundi sínum í dag ákvað stjórn félagsins að leggja fram á aðalfundi þann 26. mars 2019 tillögu um endurkaup á eigin hlutum sem nemur allt að 550 m.kr. að markaðsvirði (35% af hagnaði).

Tölulegur samanburður milli ára

Allar tölur eru í milljónum ISK	Q4 2018	Q4 2017	Breyting	12m 2018	12m 2017	Breyting
Framlegð	1.844	1.613	14,3%	7.809	7.183	8,7%
EBITDA	360	260	38,1%	3.261	2.618	24,6%
EBIT	89	0		2.373	1.786	32,9%
Hagnaður	-1	-29		1.573	1.143	37,6%

Hlutföll

EBITDA framlegð	19,5%	16,2%		41,8%	36,4%
EBIT framlegð	4,8%	0%		30,4%	24,9%
Launakostn./framlegð	35,5%	41,9%		27,2%	31,4%
Sölu og dreif.kostn./framlegð	36,5%	34,0%		27,9%	26,0%
Rekstrarkostnaður/framlegð	84,6%	85,9%		62,4%	65,3%
Arðsemi eiginfjár				19,0%	15,0%

Horfur fyrir árið 2019

Félagið áætlar að EBITDA ársins 2019 verði á bilinu 3.000 – 3.200 m.kr. og fjárfestingar liggi á bilinu 800 – 900 m.kr.

Í afkomuspá félagsins er gert ráð fyrir stöðugu gengi gjaldmiðla og stöðugu olíuverði. Bent er á að við umreikning reikningsskila er notast við meðalgengi innan ársins. Áætlanir félagsins 2019 miða við meðalgengi DKK/ISK 18,1.

Árið 2018 í hnotskurn

Hendrik Egholm, forstjóri Skeljungs:

„Ástæður þessa góða árangurs eru margar. Í fyrsta lagi ber að nefna samstilltan hóp öflugrs starfsfólks, sem hefur skilað frábæru starfi og var fljótt að laga sig að breyttum aðstæðum eftir skipulagsbreytingarnar sem gerðar voru í lok árs 2017. Þær höfðu umtalsverð jákvæð áhrif á rekstur félagsins á árinu 2018 og munu gera það áfram. Félagið naut góðs af góðu efnahagsástandi á Íslandi og Færeyjum, háu atvinnustigi og sívaxandi kaupmætti.

Við sáum umtalsverðan vöxt í sölu á eldsneyti til erlendra skipa á norðanverðu Atlantshafinu, bæði í gegnum okkar eigin birgðastöðvar í Færeyjum og Íslandi og með samningum um aðgang að stöðvum annarra söluaðila á svæðinu. Þá hefur náíð samstarf innan samstæðunnar leitt til aukinnar hagkvæmni, þar sem reynsla og þekking á öðru markaðssvæðinu nýtist á hinu. Við höfum í mörgum tilvikum samræmt vinnulag milli landa og nýtt betur innviði samstæðunnar. Við ætlum okkur að halda því áfram á komandi árum og ná enn meiri samlegð. Þá gefur ársreikningurinn til kynna að sú ákvörðun hafi verið rétt að einfalda þjónustuframboð félagsins á Íslandi, fækka vörumerkjum og leggja megináherslu á lágt verð undir merkjum Orkunnar. Við ætlum okkar að taka fleiri skref í þá átt og erum að ljúka stefnuvinnu fyrir nýtt smásölu-módel til að spara viðskiptavinum tíma og peninga.

Staða Skeljungs er sterk og við sjáum fram á áframhaldandi heilbrigðan rekstur næstu árin. Ef horft er til lengri framtíðar er ljóst að markaðurinn mun breytast og við ætlum að nýta vel þau tækifæri sem skapast með því. Við ætlum ekki að verða áhorfendur að þeim breytingum, heldur virkir þátttakendur svo hagsmunir hluthafa verði tryggðir til langrar framtíðar. Við höfum þegar lagt drög að

framtiðarstefnu Skeljungs og munum á þessu ári halda þeirri vinnu áfram. Ég er sannfærður um að gott jafnvægi milli núverandi reksturs og vel unnin framtiðaráforma sé lykillinn að bjartri framtíð Skeljungs.”

Helstu tíðindi og áfangar á árinu:

- Skeljungur fagnaði 90 ára starfsafmæli á árinu en HF Shell á Íslandi var stofnað laugardaginn 14. janúar 1928.
- Í ársbyrjun hlaut Skeljungur vottun sem eitt af 15 fyrstu fyrirtækjunum sem hljóta jafnlaunavottun Jafnréttisstofu.
- Jákvæð afkomuviðvörðun var birt þann 24. apríl. Ákveðið var að hækka EBITDA spá ársins úr 2.600-2.800 m.kr. í 2.800-3.000 m.kr en áætlun varðandi fjárfestingar hélst óbreytt.
- Í maí varð Skeljungur stofnaðili Votlendissjóðsins sem hefur það markmið að draga úr losun gróðurhúsalofttegunda frá framræstu votlendi. Rekja má allt að 70% gróðurhúsalofttegunda á Íslandi til raskaðs votlendis og koma aðgerðir í endurheimt votlendisins fram strax.
- Þann 15. júní voru tvær vetnisstöðvarnar opnaðar við Vesturlandsveg og að Fitjum í Reykjanesbæ. Skeljungur var fyrsta fyrirtæki í heimi til að opna vetnisstöð fyrir bíla árið 2003 en henni var lokað 2012. Opnun vetnisstöðvanna nú var undir öðrum formerkjum, þar sem stöðvarnar eru hluti af metnaðarfullri áætlun félagsins um að vera orkufélag framtíðarinnar.
- Í ágúst 2018 samþykkti Samkeppniseftirlitið í Færeyjum kaup dótturfélags Skeljungs í Færeyjum, p//f Magn, á 70% hlut í fyrirtækinu Demich sem sérhæfir sig í umhverfisvænum húshitunarlausnum í Færeyjum.
- Jákvæð afkomuviðvörðun var birt þann 21. ágúst. Ákveðið var að hækka EBITDA spá ársins úr 2.800-3.000 m.kr. í 3.100-3.300 m.kr en áætlun varðandi fjárfestingar hélst óbreytt.
- Í lok september hélt Skeljungur vel heppnaða Kauphallardaga í Færeyjum. Stjórnendur Skeljungs fóru yfir stöðuna í færeysku efnahagslífi, færeyska orkumarkaðinn, aukna sölu til alþjóðlegra skipa, vetni sem orkugjafa, lóðamál og framtíðarsýn félagsins.
- Í október leysti nýtt vörumerki í smásölu, Kvikk, forvera sinn 10-11 af hólmi á 12 bensinstöðvum Skeljungs. Stefna Kvikk markast af breyttu vöruúrvali og nýrri verðstefnu.
- Skeljungur skrifaði undir viljayfirlýsingu 31. október um að beita sér fyrir auknu kynjajafnvægi og vinna að markmiðum jafnvægisvogar FKA (Félag kvenna í atvinnulífinu) um að árið 2027 verði hlutfall kynja í framkvæmdastjórnun fyrirtækja á Íslandi 40/60.
- Skeljungur og Costco undirrituðu í nóvember samning um áframhaldandi sölu og þjónustu Skeljungs við Costco út árið 2020.

Kynningarfundur

Opinn kynningarfundur vegna ársuppgjörs félagsins verður haldinn 27. Febrúar í höfuðstöðvum Skeljungs, Borgartúni 26, 8. hæð, 105 Reykjavík. Fundurinn hefst kl. 08:30 en boðið verður upp á léttar veitingar frá kl. 08:15. Á fundinum munu Hendrik Egholm, forstjóri, og Benedikt Ólafsson, framkvæmdastjóri fjármálasviðs, kynna uppgjörið og helstu þætti úr rekstrinum. Að fundi loknum gefst fundargestum tækifæri til þess að ræða við stjórnendur félagsins.

Skeljungur mun netvarpa fundinum beint hér <https://global.gotomeeting.com/join/658453277>. Vakin er athygli á því að með þátttöku í gegnum netvarpið, mun nafn fundargests birtast á skjá fundarins.

Kynningarefni af fundinum verður jafnframt gert aðgengilegt á heimasíðu Skeljungs, www.skeljungur.is/um-skeljung/fjarfestar/.

Fjárhagsdagatal 2019

Aðalfundur 2019: 26. mars 2019

Uppgjör 1F 2019: 21. maí 2019

Uppgjör 2F 2019: 27. ágúst 2019

Uppgjör 3F 2019: 12. nóvember 2019

Uppgjör 4F 2019 og ársuppgjör 2019: 25. febrúar 2020

Aðalfundur 2020: 24. mars 2020

Dagsetningarnar eru birtar með fyrirvara um breytingar.

Ársreikningur 2018

Helstu atriði í tilkynningu þessari eru unnin upp úr samstæðureikningi félagsins, sem samþykktur var af stjórn og forstjóra á stjórnarfundi þann 26. febrúar 2019. Ársreikningurinn hefur að geyma samstæðureikning félagsins, móðurfélagsreikning félagsins og dótturfélaga þess. Reikningarnir eru gerðir í samræmi við alþjóðlega reikningsskilastaðla (IFRS). Endurskoðendur félagsins, KPMG ehf., hafa endurskoðað reikningana og áritað án fyrirvara. Til nánari upplýsinga er vísað til reikningsins sem er meðfylgjandi tilkynningu þessari.

* * *

Nánari upplýsingar veitir Hendrik Egholm, forstjóri; fjarfestar@skeljungur.is, s: 444-3000 / 840-3002.

Skeljungur er orkufyrirtæki sem selur vörur og þjónustu á Íslandi, í Færeyjum og á Norður-Atlantshafinu. Meginstarfsemi félagsins er innflutningur, birgðahald, sala og dreifing á eldsneyti og eldsneytistengdum vörum. Félagið starfrækir 76 eldsneytisstöðvar og 6 birgðastöðvar á Íslandi og í Færeyjum. Auk þess rekur selur félagið áburð og og efnavörur á Íslandi og rekur verslanir og þjónustar og selur olíu til húshitunar í Færeyjum. Viðskiptavinir Skeljungs spanna frá einstaklingum til fyrirtækja, í sjávarútvegi, landbúnaði, flutningum, flugi og til verktaka. Starfsemin er rekin undir merkjunum Skeljungur, Orkan, OrkanX og Magn. Meginmarkmið Skeljungs er að að þjóna orkuþörf einstaklinga og fyrirtækja á hagkvæman og öruggan máta í sátt við umhverfi sitt.

www.skeljungur.is

<https://www.linkedin.com/company/skeljungur-hf/>